



Svmma Juris Canonici

Comprehensa Tribus Partibus In Qva Distincte Et Svccincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

Sive Commentarius In Regulas Juris Pontificii, Qvæ In Libro Qvinto, Et
Sexto Decretalium Continentvr

Strein, Johann

Coloniæ Agrippinæ, 1659

Dedicatoria.

[urn:nbn:de:hbz:466:1-61853](https://nbn-resolving.org/urn:nbn:de:hbz:466:1-61853)



DEDICATORIA.

ADMODVM REFERENDO, AC PRÆNOBILI DOMINO,

D. FRANCISCO
CONRADO.

IMPERIALIS ECCLESIAE
MAIORIS BAMBERG. & COLLEGA-
TAE COMBURGENSIS PRAEPOSITO, HERBI-
POLENSIS ITEM CATHEDRALIS CUSTODI,
Domino meo perquam gratioso.

Quemadmodum fons parvus olim Mardochæo per for-
nium conspectus *Esther. c. 10.* crevit in fluvium, & in aquas
plurimas redundavit, ita Legum, & Canonum doctrina
modicis primò terminis contenta succrescentibus annis,
populis, & ingeniis in eam latitudinem ac vastitatem in-
tumuit, ut non jam fluvio alicui, sed Oceano par esse vide-
retur. Immensa veteris iuris volumina, & opus desperatum *Iustinianus*
Imperator ipso Institutionum tuarum exordio agnoscit, & res ipsa lo-
quitur, cum resectis incredibili labore, ac studio minùs necessariis, quali
expressam

EPISTOLA DEDICATORIA.

expressam medullam non paucioribus, quàm 50. Digestorum, & 12. libris Codicis posteritati relictam esse videamus. In cuius materiæ explanationem postquam deludare peritorum ingenia cœperunt, prolixis, inconditis, & multa verborum barbarie refertis Commentariis, quæ illustranda erant, obscurârunt. Pulchrum videbatur, ut cum *Budæo* loquar, aucupandæ gloriæ cupidis dicta majorum refellere, Pandectarum, ac Constitutionum scripta evertere, contorquere, distorquere, vim antiquorum scitis inferre, verborum aucupia, syllabarum tendiculas, literarum decipulas comminisci, nihil denique non inceptare.

Haud multò felicior turis Pontificii ortus, & progressus fuit. Cum aliis non mediocribus malis Decretorum acervus immensum crevit. Sua cuique Præsuli auctoritas ad sancendum leges robur addidit, quod nemo successoris sui potentiam minuere possit. Quâ fiducia effectum est, ut novis præceptis magna volumina replerentur: in quibus tandem *Gregorius IX.* Pontifex supervacaneam identitatem, prolixitatem, & confusionem animadvertens in certum ordinem, & volumen unum per *Raymundum* pœnitentiarum suum redegit. Illum post id æmulatus *Bonifacius VIII.* non modò, quæ supererant variis titulis sparsa, secrevit, & libri sexti nomen præfixit, sed insuper Regulas addidit, quibus discipulorum memoria, & intelligentia juvaretur. Etenim aliud nihil Regula est, quàm brevis rerum narratio, aut sententia generalis ex plurium legum mente à Iurisperitis notata, paucis verbis summam illarum contentionem, & quasi harmoniam complectens. Sed brevitati illi non rarò commixta obscuritas est, expositionis radio depellenda. Quo in studio multi ingenio, & doctrinâ præstantes viri operam suam posuere explanando, quæ minùs clara erant, eaque corroborando exemplis, objecta denique diluendo.

Vnum in quibusdam correctione dignum occurrit, sacræ, ac Theologicæ scientiæ ignoratio, per quam in devia subinde protacti minùs puram, solidamq; doctrinam adferunt. Quod non semel cum annotassem, operæ pretium facturum me existimavi, si Theologicæ scientiæ, quam professus annis compluribus fueram, consentientem Regularum Canoniarum expositionem discere volentibus conficerem. Quod an pro voto consecutus sim, non alium extra te, *perquam Gratiöse Domine*, iudicem requiro. Te, inquam, in quo generis summa nobilitas, cum incredibili humanitate, literarum, ac scientiarum penè omnium perfectio cum excel-

EPISTOLA DEDICATORIA.

sa Dignitate certat. TV primam ætatem optimis studiis, virilem præclaris officiis & muneribus illustrem reddidisti. Conspicuus omnium in oculis est antiquissimæ profapiæ lucidissimus splendor, à maioribus obtentus, propriis, & heroicis actibus mirificè cumulatus: benè merendi de aliis promptissima voluntas, ex placido isto, serenoque vultu emicans, inuentium animos mirabiliter devinciens, rara omninò, & exquisita prudentiæ lux, in multis, magnisque negotiis Principum virorum admiratione comprobata. Iam verò avitæ Religionis studium, rerum divinaram cura, pietatis amor, in bonis constantia, cœlitum favore aucta, conservataq; nemini ignota, amore, & admiratione percellit etiam invitos: ut iam perquirere nullus audeat, cur adversum graculos unum Te præ aliis omnibus Commentarii huius protectorem elegerim.

Excipies igitur, quâ soles comitate lucubrationem hanc suâ tenuitate minimam, incultâ specie horridam, virium defectu timidam, ut favore, & auxilio tuo secura perftet. Annis fessum me, & viribus beligerò STADIONUM scuto tuebere, ne si allatrare silicernium livor videat, improbo conatu prævaleat. D. O. M. interea supplicibus votis obtestabor, ut amplissimæ Dignitati tuæ cum multorum annorum prospero, ac tranquillo cursu in hac vitâ felicitatem, in alterâ verò omnium virtutum meritis cumulado sempiternam impertiat beatitudinem. Anno Christi M. DC. LVI. Idib. Decemb.

Adm. Rev. ac Pranob. D. Vestra.

humillimus in Christo servus

IOANNES STREINIUS
Societ. IESU.

* 3

CENSU-